

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 12 MAC 2015, PUKUL 10.00 PAGI

Bil. 4

PERTANYAAN-PERTANYAAN BAGI JAWAB LISAN

1. PR-1331-L66241
Dato' Noraini binti Ahmad [Parit Sulong] minta **MENTERI LUAR NEGERI** menyatakan apakah yang akan menjadi fokus utama Malaysia sebagai Pengerusi ASEAN sepanjang tempoh menduduki kerusi tersebut.
2. PR-1331-L67146
Tuan Jeff Ooi Chuan Aun [Jelutong] minta **MENTERI KOMUNIKASI DAN MULTIMEDIA** menyatakan apa telah terjadi kepada Bernama TV serta nasib kakitangannya yang tidak dibayar gaji mengikut jadual. Adakah siaran Bernama TV berbahasa Mandarin akan diberhentikan.
3. PR-1331-L65678
Datuk Johari bin Abdul Ghani [Titiwangsa] minta **MENTERI WILAYAH PERSEKUTUAN** menyatakan bilakah Pelan Induk Terperinci Pembangunan Kampong Bharu (PITPKB) yang bakal membabitkan anggaran nilai pembangunan kasar sebanyak RM61.2 bilion dan kos pembangunan RM43 bilion hendak dimulakan pembangunannya, serta berapa nilai tanah satu kaki persegi yang dinilai oleh pihak Perbadanan Pembangunan Kampong Bharu (PPKB) ke atas tanah-tanah di Kampong Bharu.
4. PR-1331-L67255
Dr. Hajah Siti Mariah binti Mahmud [Kota Raja] minta **PERDANA MENTERI** menyatakan jumlah pelarian (mengikut negara asal mereka) yang berdaftar dengan UNHCR dan apakah hak dan perlindungan ke atas mereka sementara mereka berada di negara ini.
5. PR-1331-L65393
Tuan Haji Mohd Fasiah bin Haji Mohd Fakeh [Sabak Bernam] minta **MENTERI KEWANGAN** menyatakan prestasi 1Malaysia Development Bhd. (1MDB) sebagai syarikat pelaburan Kerajaan dalam meningkatkan lagi pelaburan strategik untuk negara termasuk juga rakan kongsi luar negara serta prospek dan potensi dalam ekonomi global yang mencabar.

6. PR-1331-L66853
Tuan Teo Kok Seong [Rasah] minta **MENTERI PEMBANGUNAN WANITA, KELUARGA DAN MASYARAKAT** menyatakan secara terperinci mengenai bantuan atau peruntukan yang diberi kepada NGO, persatuan atau individu yang mengusahakan rumah kebajikan yang membantu warga emas, OKU dan sebagainya agar setiap warga negara yang kurang bernasib baik dapat dibela.
7. PR-1331-L67453
Datuk Hajah Norah binti Abd Rahman [Tanjong Manis] minta **PERDANA MENTERI** menyatakan sama ada Kerajaan bercadang untuk menukar nama *Institute for Strategic and International Studies (ISIS)* Malaysia kepada nama yang lain memandangkan singkatan ISIS sekarang ini sering dikaitkan dengan aktiviti keganasan oleh '*Islamic State of Iraq and Syria*'.
8. PR-1331-L66457
Tuan William Leong Jee Keen [Selayang] minta **MENTERI SUMBER MANUSIA** menyatakan langkah-langkah untuk menangani peningkatan jumlah kes kemalangan yang melibatkan pekerja-pekerja pergi dan pulang dari kerja.
9. PR-1331-L65712
Datuk William @ Nyallau anak Badak [Lubok Antu] minta **MENTERI PERUSAHAAN PERLADANGAN DAN KOMODITI** menyatakan adakah Kementerian memantau atau menetapkan harga buah sawit kepada pembeli-pembeli daripada pekebun kecil kerana banyak aduan telah diterima memberitahu bahawa harga ditawarkan oleh pembeli buah sawit daripada pekebun kecil jauh lebih murah daripada harga pasaran seolah-olah pekebun kecil telah dieksploitasikan.
10. PR-1331-L66155
Tuan Wong Tien Fatt @ Wong Nyuk Foh [Sandakan] minta **MENTERI PENDIDIKAN** menyatakan berapakah Elaun Perumahan Wilayah (EPW) yang telah diberi kepada guru-guru yang berasal dari Semenanjung yang kini berkhidmat di negeri Sabah. Dan berapa Elaun EPW yang diberikan kepada guru-guru yang berasal dari Sabah kini berkhidmat di Semenanjung.
11. PR-1331-L66764
Tuan Che Mohamad Zulkifly bin Jusoh [Setiu] minta **MENTERI KERJA RAYA** menyatakan adakah terdapat perancangan dari pihak Kementerian Kerja Raya untuk melaksanakan pembinaan sambungan LPT Fasa 3 bagi mewujudkan rangkaian perhubungan yang berkesan menghubungkan pantai barat semenanjung ke Pantai Timur melalui Daerah Setiu, Besut dan sebahagian jajahan di Kelantan. Jika terdapat perancangan, adakah telah dilaksanakan pemilihan jajaran LPT Fasa 3 dan juga adakah pihak Kementerian telah melaksanakan kajian kemungkinan (*Feasibility Study*) bagi cadangan projek tersebut.

12. PR-1331-L65786
Tuan Idris bin Haji Ahmad [Bukit Gantang] minta **MENTERI PENDIDIKAN** menyatakan pada tahun 2016 Kementerian akan mewajibkan mata pelajaran Bahasa Inggeris untuk lulus di dalam peperiksaan Sijil Pelajaran Malaysia (SPM), berapakah bilangan guru-guru yang mempunyai kelulusan TESL di seluruh negara.
13. PR-1331-L66038
Datuk Aaron Ago anak Dagang [Kanowit] minta **MENTERI KEWANGAN** menyatakan senario sebenar ke atas harga barang, kos perkhidmatan dan harga hartanah di Malaysia selepas pelaksanaan cukai GST bulan April 2015.
14. PR-1331-L65484
Dato' Kamarul Baharin bin Abbas [Telok Kemang] minta **MENTERI KESIHATAN** menyatakan:-
- (a) usaha segera Kementerian untuk mengatasi kekurangan hampir 15,000 buah katil bagi mencapai nisbah 2.5 buah katil bagi tiap-tiap 1000 orang pesakit di hospital-hospital Kerajaan di seluruh negara; dan
 - (b) senarai hospital yang mengalami masalah kekurangan katil pesakit.
15. PR-1331-L67467
Dato Sri Dr. Muhammad Leo Michael Toyad Abdullah [Mukah] minta **MENTERI PENDIDIKAN** menyatakan jumlah pengambilan guru pelatih untuk 2013 dan 2014 di Sarawak dan adakah cadangan untuk mengagihkan kuota untuk pengambilan guru-guru untuk setiap negeri.
16. PR-1331-L65937
Dato' Dr. Nik Mazian bin Nik Mohamad [Pasir Puteh] minta **MENTERI KEWANGAN** menyatakan dalam Kerajaan menggalakkan rakyat berurusan transaksi kewangan melalui kewangan Islam, bagaimanakah Kerajaan sendiri menggalakkan GLC di peringkat Kerajaan pusat untuk berurusan dengan kewangan Islam dan bagaimana transaksi Kerajaan pula dalam berurusan dengan pinjaman Kerajaan dengan Bank Dunia.
17. PR-1331-L65779
Tuan Wilson Ugak Kumbong [Hulu Rajang] minta **MENTERI KEMAJUAN LUAR BANDAR DAN WILAYAH** menyatakan status permohonan untuk membina jajaran jalan raya dari Nanga Mujong ke Nanga Gaat di sebelah kanan Batang Baleh, Kapit.

18. PR-1331-L67243
Tuan Julian Tan Kok Ping [Stampin] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan adakah tindakan dikenakan terhadap syarikat yang mengoperasi laman web *www.MyDeal.com.my* serta *www.Ensogo.com.my* ataupun syarikat yang beroperasi seumpama, setelah banyak aduan dibuat terhadap penipuan syarikat tersebut terhadap pembeli yang jelas melanggar hak-hak pengguna. Apakah tindakan mahupun langkah yang sedia ada Kerajaan dalam membanteras "*Modern Scam*" ini daripada semakin berleluasa.
19. PR-1331-L66931
Dato' Ir. Haji Nawawi bin Ahmad [Langkawi] minta **MENTERI PELANCONGAN DAN KEBUDAYAAN** menyatakan berikutan tulisan jawi adalah merupakan khazanah bangsa Melayu yang tidak ternilai, tapi sayangnya ia terhapus dengan sistem pendidikan yang sedia ada. Kalau komuniti lain seperti komuniti India, Thailand, Jepun, Cina, Korea, Burma ada tulisan mereka sendiri, apakah pihak Kerajaan tidak ada perancangan untuk mengembalikan khazanah bangsa ini di peringkat sekolah rendah, menengah dan akhbar Kerajaan.
20. PR-1331-L65916
Tuan Tan Kok Wai [Cheras] minta **MENTERI WILAYAH PERSEKUTUAN** menyatakan jumlah hasil yang diterima daripada penjualan tanah milik DBKL setiap tahun mulai 2008 hingga 2014, jumlah bidang tanah dan keluasan tanah yang dijual sepanjang tempoh itu dan kedudukan bank tanah DBKL masa kini.
21. PR-1331-L67003
Tan Sri Dato Sri William Mawan Ikom [Saratok] minta **PERDANA MENTERI** menyatakan kos sebenar sara hidup di Malaysia berbanding negara-negara maju termasuk Amerika Syarikat & Britain dengan formula RM1=satu unit mata wang asing (USD1 atau GBP1).
22. PR-1331-L66657
Tuan Loke Siew Fook [Seremban] minta **PERDANA MENTERI** menyatakan butiran terperinci jumlah penerbangan yang telah dijalankan oleh pesawat pengangkut VIP Airbus A319CJ dengan pendaftaran 9M-NAA milik TUDM sepanjang tahun 2014 serta kos sewaan, penyelenggaraan dan bahan api untuk pesawat tersebut bagi tahun 2014.
23. PR-1331-L66355
Dato' Haji Abdul Rahman bin Haji Mohamad [Lipis] minta **MENTERI PENDIDIKAN** menyatakan adakah terdapat sebarang polisi atau perlindungan kepada guru yang membawa pelajar untuk aktiviti luar sekolah (Ko-kurikulum).
24. PR-1331-L66271
Tuan Su Keong Siong [Ipoh Timor] minta **PERDANA MENTERI** menyatakan status terkini projek *high-speed rail (HSR)* dari Kuala Lumpur ke Singapura yang dijangka akan bermula pada tahun 2016. Adakah Kerajaan berhasrat memberikan kontrak tersebut secara sistem tender terbuka (*open tender*).

25. PR-1331-L65510
Dato' Haji Mohd Zaim bin Abu Hasan [Parit] minta **MENTERI DALAM NEGERI** menyatakan statistik bilangan warga asing yang tinggal lebih tempoh setelah memasuki Malaysia semenjak lima tahun yang lalu. Apakah usaha Kementerian dan mekanisme yang dipraktikkan bagi mengesan dan mengenakan tindakan undang-undang terhadap mereka sebelum menghantar mereka pulang ke negara asal.
26. PR-1331-L65854
Dato' Mansor bin Othman [Nibong Tebal] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan keberkesanan Kempen Pemerkasaan Pendidikan Pengguna yang dilancarkan oleh Kementerian di awal tahun 2014 dalam usaha menangani peningkatan kos sara hidup rakyat.
27. PR-1331-L65632
Dato' Haji Zainudin bin Ismail [Jelebu] minta **MENTERI KOMUNIKASI DAN MULTIMEDIA** menyatakan secara terperinci pelan strategik yang akan diguna pakai bagi mengatasi gejala jenayah siber seperti penyebaran maklumat palsu berkenaan keadaan banjir di Kelantan.
28. PR-1331-L67394
Tuan Liew Chin Tong [Kluang] minta **MENTERI PENGANGKUTAN** menyatakan:-
- (a) status terkini Kumpulan Wang Amanah Pengangkutan Awam dan menyenaraikan perbelanjaannya sejak penubuhan hingga kini mengikut nilai dan bentuk projek; dan
 - (b) peruntukan dan perbelanjaan Kerajaan kepada syarikat perkhidmatan bas berhenti-henti melalui *Program Interim Stage Bus Service Fund (ISBSF)* mengikut pecahan negeri, operator/syarikat, dan 149 pihak berkuasa tempatan dari tahun 2011 hingga 2014.
29. PR-1331-L67444
Dato' Ahmad Fauzi bin Zahari [Setiawangsa] minta **MENTERI PELANCONGAN DAN KEBUDAYAAN** menyatakan adakah terdapat sebarang aktiviti atau festival yang dijalankan sepanjang tahun 2015 bertemakan Malaysia sebagai sebuah negara Islam. Selain daripada acara kebudayaan, festival muzik dan sukan, adakah Kementerian bercadang untuk mengangkat festival yang mempromosi Islam seperti *World Hijab Day*, bagi turut sama menyemarakkan lagi tuntutan agama kebangsaan Malaysia.
30. PR-1331-L66092
Dato' Dr. Tan Kee Kwong [Wangsa Maju] minta **MENTERI KEWANGAN** menyatakan adakah wujud sebarang urusan niaga atau kaitan antara 1MDB dan usahawan popular, Low Taek Jho.

31. PR-1331-L66386
Tuan Sim Chee Keong [Bukit Mertajam] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan status janji Kerajaan semasa PRU-13 untuk memberikan rumah kepada penduduk Kampung Tok Subuh di Bukit Mertajam. Bilakah perumahan tersebut akan dibina dan diberikan kepada keluarga peneroka yang kini diusir oleh pemilik tanah swasta di situ.
32. PR-1331-L66061
Tuan Ng Wei Aik [Tanjong] minta **MENTERI KEWANGAN** menyatakan adakah GST masih perlu dikenakan ke atas apa-apa fi yang dikenakan ke atas penyelenggaraan dan pengurusan serta "*sinking fund*" oleh JMB atau MC terhadap unit-unit komersial serta pembekalan-pembekalan lain yang diberikan kepada unit-unit kediaman walaupun amaun pembekalan bercukai (*taxable turnover*) tidak mencapai RM500,000, mengikut surat Kementerian Kewangan bertarikh 5 Januari 2015 dengan No. Rujukan 0.3865/356(SJ.4)(Jld.14)(SK.12)(21) yang hanya menyatakan "apa-apa fi" yang dikenakan ke atas bangunan atau petak yang digunakan bagi tujuan selain daripada kediaman adalah tertakluk kepada kenaikan GST pada kadar standard.
33. PR-1331-L67142
Tuan Jeff Ooi Chuan Aun [Jelutong] minta **MENTERI KEWANGAN** menyatakan kedudukan terkini bagi rombakan dan pemulihan Syarikat Penerbangan Malaysia (MAS). Nyatakan sasaran fiskal (*fiscal target*) yang telah dikenakan ke atas pengurusan baru supaya MAS tetap menghasilkan keuntungan dalam masa tiga tahun.
34. PR-1331-L67336
Datuk Rozman bin Isli [Labuan] minta **MENTERI PERTAHANAN** menyatakan apakah langkah-langkah yang diambil oleh Kerajaan dalam menghadapi ancaman keselamatan masa kini yang agak berlainan daripada yang kita hadapi selama ini, seperti IS.
35. PR-1331-L66962
Tuan Er Teck Hwa [Bakri] minta **PERDANA MENTERI** menyatakan nisbah kaum di kalangan penjawat awam dalam setiap Kementerian dan agensi Kerajaan setiap tahun dari 2010 hingga 2014.
36. PR-1331-L66207
Datuk Zahidi bin Zainul Abidin [Padang Besar] minta **PERDANA MENTERI** menyatakan apakah langkah untuk meningkatkan infrastruktur (tandas, surau dan tempat duduk menunggu) dan kebersihan terminal bas di seluruh negara yang beroperasi 24 jam.
37. PR-1331-L65842
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI DALAM NEGERI** menyatakan sebagai Pengerusi ASEAN, apakah perancangan dan dasar yang Malaysia akan terapkan sebagai Pengerusi ASEAN seperti menangani masalah PATI, perdagangan manusia dan penyeludupan dadah. Kemakmuran negara telah menjadi tarikan kepada ramai yang hendak berhijrah dalam masa yang sama menimbulkan juga masalah-masalah sampingan.

38. PR-1331-L65888
Dato' Haji Irmohizam bin Haji Ibrahim [Kuala Selangor] minta **MENTERI SUMBER ASLI DAN ALAM SEKITAR** menyatakan:-
- (a) sejauh manakah tindakan-tindakan yang dilaksanakan di bawah Pelan Tindakan Pencegahan Pembakaran Terbuka oleh JAS di seluruh negara mulai bulan Februari 2014; dan
 - (b) sejauh mana penglibatan masyarakat melalui Program Pasukan Pemantau Pencemaran (3P) bagi membantu memantau kes-kes pembakaran terbuka.
39. PR-1331-L66349
Tuan Lim Kit Siang [Gelang Patah] minta **PERDANA MENTERI** menyatakan kayu ukur yang dipakai oleh Pejabat PM dalam mengeluarkan kenyataan media segera sepertimana di akhir kes Dato' Seri Anwar Ibrahim, berbanding dengan kes-kes yang lebih melibatkan kepentingan orang ramai seperti kes Altantuya Shaariibuu dan kes Koperal Sirul Azhar yang melarikan diri ke Australia dan lain-lain.
40. PR-1331-L66227
Puan Teresa Kok Suh Sim [Seputeh] minta **MENTERI PENGANGKUTAN** menyatakan bilangan kompaun yang telah dikeluarkan dan jumlah denda yang dikutip oleh JPJ dalam operasi ke atas plat nombor kereta yang lepas. Apakah Kementerian akan mengkaji semula garis panduan plat nombor kereta tersebut.
41. PR-1331-L65799
Dr. Noor Azmi bin Ghazali [Bagan Serai] minta **MENTERI PERTANIAN DAN INDUSTRI ASAS TANI** menyatakan sejauh manakah inisiatif Kementerian menetapkan harga belian padi pada RM1200 setiap tan metrik benar-benar meningkatkan pendapatan petani di sebalik kadar pemutuan padi yang meningkat tinggi dan kenaikan kos penanaman padi keseluruhannya.
42. PR-1331-L66129
Tuan Ignatius Dorell Leiking [Penampang] minta **MENTERI DALAM NEGERI** menyatakan jumlah nilai pampasan yang dibayar kepada pihak Miliran Filipina dalam beberapa kes penculikan yang berlaku di kawasan perairan Sabah sepanjang tahun 2013 dan 2014 dan siapa yang menanggung bayaran berkenaan.
43. PR-1331-L66582
Tuan Zairil Khir Johari [Bukit Bendera] minta **MENTERI KESIHATAN** menyatakan senarai semua kolej atau universiti perubatan yang mempunyai sangkutan klinikal (*Clinical Attachment*) dengan Hospital Kuala Lumpur dan Hospital Universiti.

44. PR-1331-L65541
Tuan Masir Kujat [Sri Aman] minta **MENTERI PEMBANGUNAN WANITA, KELUARGA DAN MASYARAKAT** menyatakan berapa ramai penerima program bantuan kebajikan di Parlimen Sri Aman dari tahun 2010-2014. Adakah Kementerian akan menambahkan jumlah pemberian bulanan kepada mereka yang betul-betul layak diberi bantuan tersebut.
45. PR-1331-L65395
Tuan Khoo Soo Seang [Tebrau] minta **MENTERI PENDIDIKAN** menyatakan berapakah bilangan kelas yang optimum bagi seseorang guru bahasa (seperti Bahasa Malaysia, Inggeris, dan Bahasa Ibunda) memandangkan beban kerja menandakan buku latihan yang berat bagi guru-guru yang mengajar mata pelajaran bahasa sekiranya ditugaskan untuk mengajar lebih 3 kelas.
46. PR-1331-L66166
Dato' Wira Mohd Johari bin Baharom [Kubang Pasu] minta **MENTERI KEWANGAN** menyatakan tentang prestasi kedudukan mata wang ringgit negara yang tidak menentu berbanding dengan USD, EURO, POUND STERLING UK yang melanda krisis fiskal masing-masing. Apakah langkah-langkah pemulihan mata wang negara berasaskan kepada pasaran kewangan negara dan komoditi.
47. PR-1331-L66711
Puan Hajah Fuziah binti Salleh [Kuantan] minta **MENTERI SUMBER ASLI DAN ALAM SEKITAR** menyatakan bilakah sistem saliran (*Monsoon Drain*) akan dibina dari Tg. Lumpur ke Kempadang Kuantan memandangkan kawasan tersebut sudah pesat membangun kini.
48. PR-1331-L67181
Puan Hajah Normala binti Abdul Samad [Pasir Gudang] minta **MENTERI SUMBER MANUSIA** menyatakan apakah langkah yang diambil oleh pihak Kementerian bagi mengawal dan mengurangkan lambakan pekerja asing dalam industri perkapalan, perhotelan dan yang bekerja sebagai pengawal keselamatan (*security guard*).
49. PR-1331-L66748
Tuan Chua Tian Chang @ Tian Chua [Batu] minta **MENTERI PENDIDIKAN** menyatakan apakah tindakan yang telah diambil terhadap sekolah dan guru-guru yang melarang pelajar bukan Melayu memakai baju kurung ke sekolah.
50. PR-1331-L65722
Dato' Kamarudin bin Jaffar [Tumpat] minta **MENTERI LUAR NEGERI** menyatakan apakah perkembangan terkini di selatan Filipina hasil perjanjian damai dengan Kerajaan yang diusahakan oleh Malaysia.
51. PR-1331-L67190
Puan Kasthuriraani a/p Patto [Batu Kawan] minta **MENTERI DALAM NEGERI** menyatakan status pemindahan Depot Tahanan Imigresen Juru, sama ada ianya telah diluluskan dalam Rancangan Malaysia Ke-11 dan tarikh spesifik pemindahan tersebut.

52. PR-1331-L65595
Dato' Abdul Manan bin Ismail [Paya Besar] minta **MENTERI BELIA DAN SUKAN** menyatakan pendirian Kementerian dalam memberi jaminan untuk terus memartabatkan golongan belia mendengar isi hati dan suara mereka bersesuaian dengan pendekatan Kerajaan untuk orang muda.
53. PR-1331-L66332
Dr. Tan Seng Giaw [Kepong] minta **PERDANA MENTERI** menyatakan bilangan projek yang telah dibantukan oleh Pemandu.
54. PR-1331-L67284
Tuan Haji Khalid bin Abdul Samad [Shah Alam] minta **MENTERI KESIHATAN** menyatakan sama ada Hospital Shah Alam akan mula beroperasi pada Mac tahun ini seperti yang dijanjikan dan sekiranya tidak, mengapa.
55. PR-1331-L66441
Tuan Lim Lip Eng [Segambut] minta **MENTERI DALAM NEGERI** menyatakan status terkini usaha Kerajaan membawa pulang Raja Petra Kamarudin, Ali Abd Jalil, Alvin Tan, Sirul Azhar Umar dan dalang skim cepat kaya YSLM. Apakah status warganegara mereka, adakah pasport mereka telah ditarik balik dan di manakah mereka berada sekarang.
56. PR-1331-L66120
Tuan Wong Chen [Kelana Jaya] minta **MENTERI KEWANGAN** menyatakan bagaimanakah Kerajaan akan menjana kewangan untuk pengubahsuaian defisit belanjawan sebanyak 3.2 peratus KDNK. Adakah Kerajaan akan cuba menjual lebih banyak sekuriti Kerajaan Malaysia.
57. PR-1331-L65459
Dr. Azman bin Ismail [Kuala Kedah] minta **MENTERI KEWANGAN** menyatakan strategi menyeluruh negara untuk mengelakkan kebergantungan negara yang keterlaluan kepada hasil minyak dan gas.
58. PR-1331-L67154
Tuan Gobind Singh Deo [Puchong] minta **MENTERI DALAM NEGERI** menyatakan sama ada surat yang ditulis oleh Menteri Dalam Negeri kepada FBI di Amerika Syarikat dalam kes Paul Phua Wei Seng adalah mengikut prosedur yang ditetapkan dan sama ada surat-surat sedemikian pernah ditulis oleh bekas Menteri-menteri Dalam Negeri dan secara spesifik menteri mana, untuk kes mana dan bila dan kenapa tidak *Mutual Assistance in Criminal Matters Act 2002* diguna pakai dalam kes Paul Phua Wei Seng.
59. PR-1331-L66533
Tuan Tony Pua Kiam Wee [Petaling Jaya Utara] minta **MENTERI KEWANGAN** menyatakan sama ada Kerajaan Malaysia akan membayar pinjaman sebanyak US\$3 bilion bagi pihak *1MDB Global Investment Limited (1MDBGIL)* jika 1MDBGIL gagal membuat bayaran pinjaman tersebut seperti yang dijanji dalam surat sokongan Kerajaan.

60. PR-1331-L65556
Tuan Fong Kui Lun [Bukit Bintang] minta **MENTERI KEWANGAN** menyatakan bilangan syarikat yang telah berdaftar dengan Jabatan Kastam berhubung GST setakat 28 Februari 2015, anggaran syarikat yang belum/tidak berdaftar dan apakah tindakan ke atas peniaga-peniaga yang telah mengutip cukai GST sebelum tarikh dikuatkuasakan.
61. PR-1331-L65420
Dato' Seri Ong Ka Chuan [Tanjong Malim] minta **MENTERI KEWANGAN** menyatakan apakah langkah-langkah yang telah dan akan diambil oleh Kerajaan untuk memastikan nilai mata wang Malaysia sentiasa dikawal dan dikekalkan pada kadar yang lebih stabil.
62. PR-1331-L66033
Tuan Anyi Ngau [Baram] minta **MENTERI KESIHATAN** menyatakan adakah terdapat rancangan oleh pihak Kementerian untuk menambah lebih banyak Klinik 1Malaysia di pedalaman Baram bagi menampung keperluan pesakit luar di kawasan penempatan yang sukar diakses melalui jalan raya.
63. PR-1331-L66957
Tuan Wong Ling Bui [Sarikei] minta **PERDANA MENTERI** menyatakan apakah tindakan yang telah diambil untuk menangani masalah ekstremisme perkauman dan agama yang berleluasa di negara ini. Adakah Perdana Menteri sendiri masih memegang prinsip dan slogan SATU MALAYSIA untuk merealisasikan matlamat perpaduan antara semua kaum dalam negara ini.
64. PR-1331-L65670
Dato' Othman bin Aziz [Jerlun] minta **MENTERI PERTANIAN DAN INDUSTRI ASAS TANI** menyatakan apakah pelan tindakan Kementerian bagi membantu golongan petani yang terjejas akibat bencana banjir 2014 dan berapakah jumlah kerugian yang melibatkan sektor pertanian negara dalam tempoh bencana berkenaan.
65. PR-1331-L65533
Tuan Nogeh anak Gumbek [Mas Gading] minta **MENTERI PENDIDIKAN** menyatakan sebab kelewatan untuk menyiapkan bangunan sekolah, SMK Singai di Daerah Bau dan bilakah sekolah tersebut akan siap sepenuhnya supaya dapat menerima kemasukan pelajar-pelajar baru.
66. PR-1331-L66670
Tuan Haji Hasbi bin Haji Habibollah [Limbang] minta **MENTERI KERJA RAYA** menyatakan:-
- (a) apakah langkah Kementerian untuk memastikan jalan utama Pan Borneo khususnya di Limbang tidak akan terputus akibat fenomena banjir besar yang dijangka kerap berlaku; dan
 - (b) apakah Kementerian akan mengubah jajaran Pan Borneo di kawasan Parlimen Limbang untuk mengelak daripada berulangnya jalan raya terputus akibat banjir.

67. PR-1331-L65587
Tuan Sim Tong Him [Kota Melaka] minta **MENTERI PELANCONGAN DAN KEBUDAYAAN** menyatakan:-
- (a) tahun permulaan dan penamatan Kesultanan Melayu di negeri Melaka; dan
 - (b) kebelakangan ini terdapat berapa individu yang mengisytiharkan diri mereka adalah keturunan Kesultanan Melayu dan nyatakan tindakan-tindakan yang telah diambil tentang kenyataan ini.
68. PR-1331-L65895
Datuk Madius Tangau [Tuaran] minta **MENTERI DALAM NEGERI** menyatakan apakah langkah-langkah yang telah dan sedang diambil oleh pihak Kerajaan untuk melaksanakan kesemua cadangan yang dinyatakan dalam Laporan RCI Mengenai Pendatang Asing Tanpa Izin di Sabah dan adakah Kerajaan terbuka untuk menerima cadangan-cadangan baru untuk menyelesaikan masalah kebanjiran Pendatang Asing Tanpa Izin di Sabah secara tuntas.
69. PR-1331-L67029
Datuk Wee Jeck Seng [Tanjong Piai] minta **MENTERI PELANCONGAN DAN KEBUDAYAAN** menyatakan perancangan Kementerian untuk memajukan industri pelancongan negara terutamanya Tanjung Piai yang juga merupakan tanah paling selatan di Benua Asia.
70. PR-1331-L66828
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI KESIHATAN** menyatakan jumlah terkini pegawai perubatan atau doktor di hospital Kerajaan dan nisbahnya dengan penduduk Malaysia kini.
71. PR-1331-L65640
Dato' Henry Sum Agong [Lawas] minta **PERDANA MENTERI** menyatakan berapakah jumlah sumbangan Kerajaan terhadap mangsa banjir mengikut negeri dan apakah usaha ke arah pemulihan keadaan yang dialami mangsa akibat banjir.
72. PR-1331-L65816
Tuan Haji Ahmad Nazlan bin Idris [Jerantut] minta **MENTERI PENDIDIKAN** menyatakan adakah Kementerian berhasrat untuk menyediakan perlindungan insurans takaful kemalangan kepada para guru khususnya bagi mereka yang terlibat dengan aktiviti di luar sekolah dan jika tiada, apakah faedah kebajikan lain yang disediakan.
73. PR-1331-L66398
Dato' Johari bin Abdul [Sungai Petani] minta **MENTERI DALAM NEGERI** menyatakan:-
- (a) berapakah jumlah kes penculikan yang dilaporkan berlaku di kawasan perairan Sabah sejak tahun 2000 hingga Disember 2014; dan

- (b) berapakah jumlah wang tebusan yang dibayar kepada penjenayah-penjenayah ini.
74. PR-1331-L66654
Tan Sri Datuk Seri Panglima Joseph Pairin Kitingan [Keningau] minta **MENTERI BELIA DAN SUKAN** menyatakan kawasan lapangan terbang lama di Keningau dilihat berpotensi sebagai hab sukan udara bagi peminat aktiviti mencabar adakah cadangan serta peruntukan untuk membina lapangan sukan justeru untuk meningkatkan lagi potensi ekonomi daerah Keningau. Kawasan lapangan terbang lama Keningau ini boleh dimajukan untuk tujuan tersebut dan ianya sudah pasti menarik lebih ramai pengunjung ke daerah Keningau.
75. PR-1331-L66896
Datuk Jumat bin Idris [Sepanggar] minta **MENTERI KESIHATAN** menyatakan:-
- (a) adakah rakyat Malaysia begitu terdedah dengan penyakit obesiti; dan
- (b) apakah cadangan Kementerian dalam menangani isu penyakit obesiti ini di kalangan rakyat Malaysia.
76. PR-1331-L67341
Tuan Mohamed Hanipa bin Maidin [Sepang] minta **PERDANA MENTERI** menyatakan :-
- (a) berapakah jumlah aduan mengenai salah laku atau kesalahan etika hakim yang telah dibawa kepada Suruhanjaya Pelantikan Kehakiman dan jika ada, perincian butir-butir aduan dan apakah tindakan yang telah diambil ke atas aduan-aduan tersebut; dan
- (b) berapa jumlah alasan penghakiman yang masih belum disediakan oleh para hakim di Mahkamah Tinggi, Rayuan dan Persekutuan yang termasuk dalam kategori penghakiman yang lewat diberikan atau tiada penghakiman langsung yang dibuat meskipun ia wajib dibuat.
77. PR-1331-L67054
Datuk Haji Datu Nasrun bin Datu Mansur [Silam] minta **MENTERI PENGANGKUTAN** menyatakan melalui pengumuman Bajet 2015 yang dinyatakan oleh Perdana Menteri Malaysia untuk memanjangkan Lapangan Terbang Lahad Datu dengan peruntukan RM50 juta ringgit, apakah pelaksanaan yang telah dibuat dan impaknya kepada demografi penduduk sekitar.
78. PR-1331-L66385
Puan Nurul Izzah binti Anwar [Lembah Pantai] minta **MENTERI TENAGA, TEKNOLOGI HIJAU DAN AIR** menyatakan berapakah sasaran penajaan dan penggunaan tenaga (MW) daripada tenaga berasaskan batu arang, gas, air, suria, angin, biojisim, biogas dan kadar kecekapan tenaga dari 2015-2030.

79. PR-1331-L66119

Tuan Wong Chen [Kelana Jaya] minta **MENTERI KEWANGAN** menyatakan ke tahap harga berapakah harus harga minyak jatuh sebelum Kerajaan mengiktiraf ekonomi Malaysia menghadapi satu krisis. Jelaskan paras harga tersebut dan apakah langkah-langkah yang akan diambil oleh Kerajaan.

ATURAN URUSAN MESYUARAT DAN USUL-USUL

1. **Usul dibuat oleh Yang Berhormat Datuk Seri Noh bin Haji Omar [Tanjong Karang]** dan masalah dicadangkan :-

“ Bahawa suatu ucapan yang tidak sepertinya dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersembahkan suatu ucapan yang ikhlas daripada Majlis Dewan Rakyat mengucapkan berbanyak-banyak syukur dan menjunjung kasih kerana Titah Ucapan Seri Paduka Baginda semasa membuka Penggal Ketiga, Parlimen Yang Ketiga Belas.”

Menyambung semula Perbahasan atas masalah (11 Mac, 2015)

- | | | | |
|----|----------------|--|-------------------------------|
| 2. | (D.R. 24/2014) | Rang Undang-undang Dadah Berbahaya (Pindaan) (No.2) 2014

[Menteri Kesihatan] | Bacaan Kali Yang Kedua |
| 3. | (D.R. 29/2014) | Rang Undang-undang Pendidikan (Pindaan) 2014

[Menteri Pendidikan] | “ |
| 4. | (D.R. 26/2014) | Rang Undang-undang Perhubungan Perusahaan (Pindaan) 2014

[Menteri Sumber Manusia] | “ |
| 5. | (D.R. 30/2014) | Rang Undang-undang Teknologis dan Juruteknik 2014

[Menteri Sains, Teknologi dan Inovasi] | “ |
| 6. | (D.R. 23/2014) | Rang Undang-undang Ahli Parlimen (Saraan) (Pindaan) 2014

[Perdana Menteri] | “ |

7. PR-1331-U65762

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, agama Islam adalah agama rasmi negara ini, namun kebebasan beragama di negara ini terjamin seperti yang termaktub dalam Perlembagaan Persekutuan. Dan mengambil maklum juga, isu agama adalah merupakan isu sensitif terutama sekali dalam negara yang berbilang kaum dan agama. Dan mengambil maklum juga bahawa, penukaran agama bagi mereka yang di bawah umur memerlukan persetujuan daripada ibu bapa mereka terlebih dahulu sebelum mereka menukar agama. Dalam kes penukaran agama anak perempuan (berumur 16 tahun) Encik Jilius Yapoo yang berlaku di Sekolah Menengah Kinarut dengan tanpa persetujuan ibu bapa kanak-kanak ini telah mengundang spekulasi dan andaian yang tidak sihat terutama sekali kepada perpaduan kaum dan agama di negara ini. Insiden ini sedikit sebanyak telah menghakis dan melunturkan kepercayaan rakyat (terutama sekali yang bukan beragama Islam) terhadap institusi sekolah sebagai pusat ilmu dan juga kepada sistem perundangan negara, di mana kebebasan beragama adalah terjamin seperti yang termaktub dalam Perlembagaan Persekutuan. Maka, bagi menangani masalah ini, Dewan yang mulia ini hendaklah mengambil ketetapan bahawa, mana-mana pihak yang cuba untuk menukar agama mereka yang di bawah umur atau mana-mana individu yang di bawah umur hendak menukar agama mereka, pihak tersebut hendaklah mendapatkan persetujuan bertulis lebih awal daripada ibu bapa individu tersebut. "

[Perdana Menteri]

8. PR-1331-U65853

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum, terdapat rungutan-rungutan di kalangan rakyat negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau diendahkan. Dan mengambil maklum juga, antara isu utama yang disuarakan dalam rungutan ini adalah kebanjiran pendatang asing ke negeri Sabah dan ditambah buruk pula dengan pemberian status warga negara kepada mereka ini. Dan mengambil maklum juga bahawa, setiap kali isu 20 perkara dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai ke satu tahap di mana mereka secara terbuka menggelarkan diri mereka sebagai aktivis Sabah Sarawak keluar Malaysia atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan undang-undang semata-mata untuk menghalang mereka bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan lagi keadaan di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak prihatin dan kuku besi.

Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara holistik termasuklah menjemput dan mendengar rungutan mereka ini."

[Menteri Dalam Negeri]

9. PR-1331-U65760

Tuan M. Kulasegaran [Ipoh Barat] akan mencadangkan:-

"Bahawa Dewan Rakyat ini mengambil maklum bahawa banjir telah melanda di beberapa negeri baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini, Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera."

[Perdana Menteri]

10. PR-1331-U66345

Dr. Tan Seng Giaw [Kepong] akan mencadangkan:-

"Bahawa Dewan ini membahaskan banjir besar di negara."

[Perdana Menteri]

11. PR-1331-U66346

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan gerakan militan di Malaysia."

[Menteri Dalam Negeri]

12. PR-1331-U67135

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

[Menteri Dalam Negeri]

13. PR-1331-U67141

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]